

## TESALONIKADEENŃ TAKADA PLAADĒE

*Yākpaεkena Kirisi mógurɔɔ zĩ*

<sup>1</sup> Mamɔma Pɔlu kɔn Silasio kɔn Timɔtio, wámbe wa takada kèkii kè Tesalonika sɔsi gbě kè aɔɔ kú Luda wa De kɔn Dii Yesu Kirisio guunɔne.

<sup>2</sup> De Luda kɔn Dii Yesu Kirisio gběkeε keare, à a gba aafia.

<sup>3</sup> Wa gběno, à kɔ sio wàgɔ Luda sáabu kpaá a yá musu gurɔ píngi, lán à maa ná, zaake a ludanaanekena e gaa ae maamaa, bensɔ yenzi kè a baade vĩ kɔo e kaara.

<sup>4</sup> Beee yánzi weè lé gbě a yá musu Luda sɔsi kɔn sɔsio guu, lán ée wéetamma kɔn nawěa píngio fɔɔ ná kɔn menao kɔn ludanaanekena.

<sup>5</sup> Beee òɔba kè Luda è yá gɔgɔ kɔn gběno a zéame. Beee yánzi a ka à gě kpata kè bò Luda kiia guu kè ée nawěa keε à yánzi.

<sup>6</sup> Luda è yá ke a zéame. Eé wéε tā gbě kè aɔɔe wéε tāaawaanɔa,

<sup>7</sup> eé amɔa kè wèe wéε tāaawaanɔ gba ĩampakii kɔn wapinɔ, tó Dii Yesu bò ludambe kɔn a malaika gbáaanɔ

<sup>8</sup> kɔn tévurao. Eé wéε tā ludadɔrisai kè aɔɔe wa Dii Yesu baaru nnaa síroonɔa.

<sup>9</sup> Kaatena yáana sain Luda é wéε tāońma. Weé n kpake Dii aezĩ kɔn à gbáa gakuideeo.

<sup>10</sup> Tó à mò gurɔɔ pí zĩ, eé tó bɔ a gběno yá musu, gbasa à náanekerri pìnɔ é à maa bo n píngi. Égɔ kú n té, zaake a yá kè wá òaree sì.

<sup>11</sup> Beee yānzin weègõ adua keεare kōsōkōsōzi, le wa Luda tó a kuuna ká gwena kè à a sisia, à yā maaa kè a ze kōn à kenaonō kōn zīi kè ée keε à náanekena guunō píngi papaare kōn a gbāaa.

<sup>12</sup> Dii Yesu é tó bō a musu, apinō sō é tó bō à musu wa Luda kōn Dii Yesu Kirisi pìo gbēke yānzi.

## 2

### *Ludayādarisai*

<sup>1</sup> Wa gbēnō, Yesu Kirisi mōna kōn wa kakōanao le wà daàle yā musu, wa wée kèawa,

<sup>2</sup> àton tó a làakari fee aagarō. Tó annabi yā ke waazi ke takada kè wà bè à bō wa kiia bè, Dii mógurō kà kò, àton bídi kero.

<sup>3</sup> Àton tó gbēke a sāsā kōn yā beee takaoro, zaake gurō beee é móro, séto gbēnō bōna Luda kpεε gurō kà gīa kōn ludayādarisai kè mì pè kaatezea bōna gupuraaao.

<sup>4</sup> Éé gí pò kè wè ní die dii ūunōzi kōn pò kè wè donzi keñnenō píngi, éé a zīnda sé lezī deñla, éé gá à vée Luda kpén, à a zīnda die Luda ū se.

<sup>5</sup> Gurō kè má kúao ma yā pì òare. Ée donloo?

<sup>6</sup> Á dō pò kè èè à dādāa, le àton bō a gurō āroó?

<sup>7</sup> Zaake ludayādasai e o taa asii guu kò. Éé boro, séto gbē kè èe kpaane gù zén baasiro,

<sup>8</sup> ludayādarisai pì é gbasa à bō sa. Dii Yesu é à de kōn a lé'iao, à à kaate kōn a mōna gakuio.

<sup>9</sup> Ludayādarisai pì é mó kōn Setān gbāaaao à dabuyānō kōn yābōnsaenō ke kōn sèeda ege bori píngio.

<sup>10</sup> Éé mōnafiki bori píngi ke gbē kè aō mì pè kaatezeanōne, kè aō gí yāpuraa kè éé ní mì sízi yānzi.

<sup>11</sup> Beee yānzi Luda é likša pāsī zīrma le aō egεε náane ke.

<sup>12</sup> Yā é gbasa à vεε gbē kè aōve yāpura síroo kè aōè pōnnaa ke kōn à zaaaonɔa ní píngi.

### *Luda a se le à a mì sí*

<sup>13</sup> Wa gbē Dii yenzideeno, à maa wàgō Luda sáabu kpaa gurō píngi a yā musu, zaake Luda a se zaa káaku, le à bō kōn à Ninii kè tò wa gō a pō ũ gbāao a yāpura sina yānzi.

<sup>14</sup> Luda a sisi à a se baaru nnaa kè wá kpàare yānzi, le a baka gō kú wa Dii Yesu Kirisi gakuí guu.

<sup>15</sup> Beee yānzi wa gbēno, à ze gbāa, àgō yā kè wá dàare kōn léo ke takada guu kūna.

<sup>16</sup> Wa Dii Yesu Kirisi kōn Luda wa Deo yewazi, à gbēkeεε guu à wa làakari kpàεwe ai gurō píngi, à tāmaa maaa dàwagu.

<sup>17</sup> À a làakari kpàεare, à a gba gbāaa yāmaakεna kōn yāmaa'onao guu píngi.

## 3

### *À adua kewe*

<sup>1</sup> Yā kè gōn yè, wa gbēno, à adua kewe, le Dii yā e à dagula kpakpaa, àgō bèε vīñne lán à vī a kiia nà.

<sup>2</sup> À adua kewe, le à wa bō gbē zaa mìsaideeno ɔzī, zaake èe ke gbē sānda píngi bé à Luda yā sìro.

<sup>3</sup> Dii náane vī, eé a gba gbāaa, eé a sí à zaaa.

<sup>4</sup> Wa a náane kè Dii guu kè ée yā kè wá òareno keε, bensō égō keε.

<sup>5</sup> Dii tó à Luda yenzi kōn Kirisi menao gbáze dō a swèn.

### *Wàton mea kero*

<sup>6</sup> Wa gbẽnɔ, wa naare Dii Yesu Kirisizi, à kɛ wa gbɛ kè aɔ̄ meá vīinɔa, kè aɔ̄è zīi ke kɔ̄n yā kè wá dànn̄eoroonɔ.

<sup>7</sup> A d̄s̄ a zīndanɛ, kè à maa àḡɔ té wa zékpaɛzi, zaake wée meá ke gurɔ̄ kè wá kú a téro.

<sup>8</sup> Wée gbɛke póblee sí wá blè fīabona sairo, wa zīi kè gwāavī kɔ̄n fāant̄eɔ, wa nawēa kè ai í s̄iwa, le wàton ḡɔ a gbɛkenɛ asoo ūro yānzi.

<sup>9</sup> Wá à zé vī à d̄walɛ, m̄de wá kè le, le à wa zékpaɛ sé yānzimɛ.

<sup>10</sup> Gurɔ̄ kè wá kúao, wá diɛ kè gbɛ kè ye zīkenaziroo é póblero.

<sup>11</sup> Wá mà kè a gbɛkenɔ meá vī, aɔ̄è pók̄e kobiro, sé gudɛɛ.

<sup>12</sup> Wá diɛ gbɛ beee takanɔnɛ, wa nañnɛ Dii Yesu Kirisizi, aɔ̄ v̄ɛki kú wà zīi ke wà n̄ zīnda gwao.

<sup>13</sup> Apinɔ s̄s̄ wa gbẽnɔ, àton kpasa kɔ̄n yāmaakenaoro.

<sup>14</sup> Tó gbɛkee e yā kè wá òare takada kè guu daro, à à yā b̄ à diɛ. Àton kak̄ɔa kɔ̄n adeeoro, le wí e à à kú yānzi.

<sup>15</sup> M̄de àton íbetɛ kpáoro, à lé daa a gbẽndoo ū.

<sup>16</sup> Dii Aafiade a gba aafia gurɔ̄ píngi yā píngi guu. Dii ḡɔ kúao a píngi.

<sup>17</sup> Mamɔma Polu mámbe ma ikpammana kèkii kè kɔ̄n ma zīnda ɔ̄ɔ. Beeen ma takada píngi s̄èda ū, len m̄è k̄ le.

<sup>18</sup> Wa Dii Yesu Kirisi gbɛkɛ keare a píngi.

**Luda yá takada kǝn Bokobaru yǎo**  
**The New Testament and portions of the Old Testament**  
**in the Bokobaru language of Nigeria**

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

---

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5